

آبوشه ايلي : هرير ايجون
سنه لکي (٤٠٠) آلتی آيلی
(٢٢٥) ممالك اجنيه ايجون
سنه لکي (٤٥٠) آلتی آيلی
(٢٥٠) غروشدرد.

نسخه سی ٧,٥ غروشدرد .
سنه لکي ٥٢ عدددر .

اداره خانه : باب عالی جاده سنده
رشید افندی خائنده

اخطارات
آبونه بدلی پشیدرد .

مسلكه موافق آثار مع المنونیه
بول اولنور . درج ایدلین
یازیلر اعاده اولنماز .

والله یهدی من یشاء الی صراط مستقیم

باش مخرد
محمد ماکف

صاحب و مدیر
اشرف ادیب

اتبعون اهدکم سبیل الرشاد

الشیخ الاسلام

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

جلد ٢٢

٦ ماروت ١٣٤٠

* یخشنبه *

٢٩ رجب ١٣٤٢

عدد ٥٩١

آغلیقان کلیساسنه جواب

آغلیقانه کلیسانه کوندر یلمک اوزره نرقیقات و تالیفات اسلامیه هیئت علمیسی رئیس سابقی افاضل علمای اسلامیه شیخ عبدالعزیز یارسیه
افندی مضر تبریک تالیف برورد قری جوابدر :

مسلمانان قمره کی فضائل و آداب

سماعت و معارفت . جهان انسانیه حضور و سکون تأمینته
وافراد و جماعات آرمه سنده محبت ، شفقت ، مرحمت اساسلرینک تثبیتنه
صوک درجه ده حرایص اولدینی ايجوندرکه اسلام مسلمانلری یوقاریده
ایضاح ایتدیکمز فريضه زکاته اجبار ايله اکتفا ایتیمور ؛ مختلف
صورتلرده تجلی ایدرهک باشقه باشقه اسملره آگلدینی حالده غایه
وماهیتلری متحد بولنان انواع برّ و احسانک هبسنه تشویق ایدیور .
اسلام عالم بشریت ايجون اک مدھش خیت و حرمان اوجاقلری
کسیان اختراص ، طمع ، بخل کی ذمیمه لره تخلقدن تنفیر ایدر ؛
سماحت ، کرمه ، شفقت ، بذل معروفه مشوق اولور . و بوکا صدقه ،
حق ، ذکات ، برّ و احسان ، صله ، ماعون کی درلو اسمار ویرر .
چونکه اسملرک ، طرز لرک دیکشمسیله بخله میال اولان نفسلر براز
داها قولای ارضا ایدیلیر ؛ احسانه و ارمایان صبی اللر برازداها چابوق
آچیلیر . صوکره اسلام برّ و احسانک وجوه صرفی یالکز فقرا ايله
بچارکانه حصر ایتیمور ؛ چوق شامل ، چوق عمومی طوتیور . اوت
فقرا ايله بچارکانه احسانی ناصیل تشویق ایدیورسه یتیملره ، طولره ،
بولده قالمشلره ، کوله لره ، جاریه لره بذل معاوتی ده اویله جه نئاده

بولونیور . کذلک آنایه بابایه ، اقربایه ، اوزاقدی کی ، یاقینده کی قوم مشولره ،
بول آزداشنه ایلیکی - ولو محتاج اولماسینلر - اکیداً امر ایدیور .
مقصد انسانلر آرمه سنده کی محبت ، مرحمت رابطه لرینی قوتلشدیرمک ،
روحلری بربرینه ایصیندیرمق صورتیله یا یاخیلغک اورتنه دن قالمقاسی ،
منافرت و اختلاف حسلرینک سینه لره یول بولاماسی در .

شبه یوقدرکه برّ و احسان ، وفق ايله معامله مضر تمایللری ، فنا
فکرلری دفع ایدمک اک بیوک قوتدر . دلیل ایستینلر وارسه آداب
اسلامیه ايله تعالی ایتمش عصرلرده کی مسلمانلر یئنده حکمران اولان
اوحقیق ، او سکون و سلامی تخطر ایدم بیلیرلر . اوت ، یوقاریده ده
سویلدیکمز وجهله ، بر مسمان دیار اسلامک هیچ برینه اینمزدی که
یرلیرک مستفید اولدینی و اسلامک بوتون موحدلر آرمه سنده شایع بر
ملک اوله رق طانیدیقی حقوق و امتیازاتک کافه سندن استفاده ایدم مسین .
اوحقوق ، او امتیازات که ، صرف اونلری صیانت ایتدکلری ايجون
مسلمانلر باشقه ملتیرک راحت و حضورینی کیرن ، مملکتلرنده سکوندن ،
اطمیناندن اثر بیراقایلن کین ، حسد مجادلرلرندن ، استرقاب ، خصومت
محارب لردن اک اوزاق برامت اوله رق یاشادیلر و یاشایورلر .

هم اسلامده صله رحم یالکز مسلمانلره مقصود دکل که . علیه
الصلاة والسلام افندیمز اهل کتاب ايله مشرکینده اییلاک اولونماسی

ترغیب بویوردیلر. قسطلانی «لاینها کم الله عن الذين لم یقاتلواکم فی الدین ولم یخرجواکم من ديارکم ان تبروهم وتقسطوا الیه» - سورة بقره مجتذیه ، آیت جلہ سنده سویله سویلور : « بوایت مؤمنلرله مخاصمه وبقاتلہده بولونیمان غیر مسلملرله ایملک اولنمسی ایچون رخصتدر . » [۱]

صوکره ، مشرک والدہ یله مشرک قاردهلرله وباشقہ لرینه ایملک ایدلمسی حقنده بزجوق احادیث شریفه وار . اهل کتاب اولان یهودیلرله نصرانیلرله کلنجه حکومات اسلامیه بولرک اختیارلرینه ، عاجزلرینه ارزاق وعطایای بذل ایدردی .

شیمدی بو موضوعه دائر قرآنده ، سنتده وارد اولان آیات و احادیث شریفه بی نقل اتمک مناسب اوله جق :

«الذين یوفون بعهدالله ولا ینقضون الميثاق . والذين یصلون ما امرالله به ان یوصل ویخشون ربهم ویحافظون سوء الحساب . والذين صبروا ابتغاء وجه ربهم واقاموا الصلوة وانفقوا مما رزقناهم سراً وعلانیة ویدرأون بالحسنة السيئة اولئك لهم عقی الدار . . . والذين ینقضون عهدالله من بعد ميثاقه ویقطعون ما امرالله به ان یوصل ویفسدون فی الاصل اولئك لهم العاقبة ولهم سوء الدار - سورة رعد » [۲] « ولا یأتل اولوا الفضل منکم ولسعة ان یؤتوا اولی القربی والمساکین والمهاجرین فی سبیل الله ولیعفوا ولیصفحوا ألا تحبون ان یغفرالله لکم والله غفور رحیم - سورة نور »

« واذ اخذنا ميثاق بنی اسرائیل لا تعبدون الا الله وبالوالدین احساناً وذی القربی والیتامی والمساکین - سورة بقره » [۳]

« وقضى ربك الاتعبدوا الا اياه وبالوالدین احساناً اما یبلغن عندک الکبر احدهما او کلاهما فلا تقل لهما اف ولا تنهرهما وقل لهما قولاً کریماً . واخفض لهما جناح الذل من الرحمة وقل رب ارحمهما كما ربيانی صغیراً . . . وآت ذالقربی حقه والمسکین وابن السبیل ولا تبذر تبذیراً . - سورة اسراء » [۴]

[۱] ارشاد الساری جزؤ ۹ ، صفیه ۱۰

[۲] « اوکیسه لکه اللهک عهدنی برینه کتیردر و ميثاق نقض ایتلر ، اوکیسه لکه اللهک ویرلسنی اسرایتدیکنی ویردر ، خالقرندن چکینیزلر ، حساب کونندن قورقارلر ، اوکیسه لکه معبودلرینک رضاسنی ایستدکری ایچون نفسلرینه صبر ایدرلر ، نماز قیلارلر و کندیلرینی مرزوق ایتدیکنر نمترلرلر کیزلی ، آشکار انفاقده بولونورلر و سیئاته حسنات ایله قارشی کلیرلر . . . ایشته دنیا تک عاقبتی بولر ایچوندر . . . اوکیسه لکه اللهک عهدنی قبول ایتدکن صوکره نقض ایدرلر ، اللهک ویرلسنی اسرایتدیکنی کسرلر ، یروزنده فتنه چیقاریرلر . . . ایشته لعنتده بولر ایچوندر ، جهنمده بولر ایچوندر . »

[۳] « هانی ، بزلر اللهدن باشقہ سنه طایماه جقلری و آنالرینه ، بابالرینه ، خیمیلرینه ، یتیملرله ، یجارلرله ایملکده بولنه جقلر حقنده بنی اسرائیلدن ميثاق آلمشدی . . . »

[۴] « کندیسنندن باشقہ سنه طایماه کیزی و آنالریکزه ، بابالریکزه ایملک ایتدیکنی ربک سکا صورت قطعده امر ایدیور ، شاید کک یالکز برینه ، کک ایکه سنه برون ، سنک الکه باقدقلری صیرهده ، اختیارلق چوکره صاقین

« یسئلونک ماذا ینفقون قل ما انفقتم من خیر فللوالدین والاقربین والیتامی والمساکین وابن السبیل وما تفعلوا من خیر فان الله به علیم - سورة بقره » [۱]

« واعبدوا الله ولا تشركوا به شیئاً وبالوالدین احساناً وذی القربی والیتامی والمساکین والجار ذی القربی والجار الجنب والصاحب الجنب وابن السبیل وماملکت ایمانکم - سورة نساء » [۲]

« احی والدک ؟ قال نعم ، قال الرسول : ففیهما فجاهد . - حدیث » [۳] « اخوانکم خولکم جعلهم الله تحت ایدیکم فمن کان اخوه تحت یدیه فلیطعمه مما یأکل ولیلبسه مما یلبس ولا تکلفوهم ما یغلبهم فان کفتموهم فاعینوهم - حدیث » [۴]

« اذا اتی احدکم خادمه بطعامه فان لم یجلس معه فلیناولہ لقمة اولقمتین او اکلّة او اکتین فانه تولی علاجیه - حدیث » [۵] « ان الاشعریین اذا ایلوا فی الفزو او قل طعام عیالهم بالمدينة جمعوا ما کان عندهم فی ثوب واحد ثم اقتسموه فی اناء واحد بالسویة فهم منی وانا منهم - حدیث » [۶]

اوصانوبده کندیلرینه « الا الله ! » دیمه ، یوزلرینه باغیرمه ، یوموشیاق سوزلر سویله . صوکره ، اولرله شفقتندن قنادلریکی یرله قدر ایندیرده قارشیلرکده اولرله طور « یارب ، اولر بنی کوچوک یاشنده ایکن ناصل مرحمتله بویوتدیلسه سنده شیمدی اولرله قارشی رحیم اول » دیمه دعا ایت خصیمیلریکله ، یجارلرله ، یولده قالمشله ، سنده حقلری اولان ایملکی ادا ایت و مالکی اسراف ایله طاغیتمه .

[۱] « نهی وکیه اتفاق ایدم جکارینی سکا صوریورلر ، اولرله دی که : خیره دائر نه اتفاق ایدرله کز آنا کزه ، بابا کزه ، خصیمیلریکزه ، یتیملرله ، یجارلرله ، یولده قالمشله ویرک ، خیر نامیله نه ایسترسه کز الله اونی بیلیر . » [۲] « الله قوللق ایدک ، اوکا بر شیشی شریک قوشاییک ، آنا کزه ، بابا کزه ، خصیمیلریکزه ، یتیملرله ، یجارلرله ، خصیمیکز اولان قومشولرله ، خصیمیکز اولمایان قومشولرله ، یول آرقاداشکزه ، یولده قالمشله ، رقبه سنه مالک بولوندقلریکزه ایملک ایدک . »

[۳] « آناک ، باباک صاغمی ؟ دیوبده ، اوت ، جوانی آلنجه پیغمبر بویوردی که : اوله ایسه اولر ایچون چالیش . »

[۴] « خدمتچیلریکز ، الله طرفندن الککز آلتنه ویرلش ، قاردهلریکزددر . کیمک بویه قاردهشی الذک آلتنده بولونیورسه اوکا کندی یدیکندن یدیرسین وکییدیکنی کیدیرسین . برده بولرله ازیچی ایش تکلیف ایتیهلله ، شاید ایدرله کز یاردیمده بولونیک . »

[۵] « بریکزه خدمتچییمک کتیردی زمان ، برار اولورمایه جقسه ، اوکا برایکی لقمه ، یاخود بر ویا ایکی پارچه ویرسین . چونکه حاضر لائماسنه او باقشدی . »

[۶] « اشعریلر [یندنه بر قیلله] غزاده ایکن آزیقیز قالیر ، یاخود مملکتده کی هائله لرینک ییه جی آزالیرسه هپسی بردن یالرنده نه وارسه برایییه طویلارلر ، صوکره بر قایله آرلرنده مساوات اوزره تقسیم ایدرلر . ایشته اولر بندندر ، بنده اولرده نم . »

هَمْدی : حج ایدنلرک جزا اوله رق کسیدیکی حیواناندر. موجباتی کتب فقهیه ده بیلدیریلور .

مِهْزای صبیح : احرامده ایکن، یاخود احرامده اولماسه بیله جرمده بولونورکن اولانان کیمسه نك اوده دیکي جزادر .

بمیع کفارنی : انسانک چولوغنه ، چوجوغنه پدیردیکي یمکک اورتی درجه سندن اون ییچاره یی طویورماسی ، یاخود کیدیرمسیدرکه، جدی صورتده ایتدیکي یمتده حاث اولمشه ، اوزرینه واجدر .

ظهار کفارنی : آلتش ییچاره یی طویورمقدرد . زوجہ سنی نکاح دوشمه یی محرملری صیررسنه قوبه رق مقارنتدن امتناع ایدن کیمسه لر، دورت آی ایچنده رجوع ایتک ایسترلرسه، بوجزا ایله معاقب اولورلر وباشقه صورتله زوجہ لرینک یانته کیده مزلر .

مجره فسیه : کتب فقهیه ده بیلدیریلدیکي وجهله ، کوزل قوقو ، الدیون ، قوشاق و سائرہ کی احرام انساننده استعمالی حرام اولان شیلری قوللانمش ارکک وقادین ایچون جزادر . قویون وداها بویوک حیوان کسمک ، یاخود آلتی ییچاره یی طویورمق صورتیله اوده نیر .

اورومده فسیه : اوروج طونمایه هیچ طاقت کتیرمه یی، یاخود یک کوجلکله طوته بیلنلر ایچون اسلامک کوستردیکي رخصت افطاره مقابل آلدینی فدیهدر .

عقیقه : چوجوق یدی کونلک اولدینی زمان کسین قراندر. کذلک صاحی کسیلوب آغیرلغنه آلتون، یاخود کوموش تصدق اولونور . اسلامک صاحب حکیمی روح بشرک کوزل شیلره قارشى بخیل ، قیمتمیز شیلر ایچون سمیع بر فطرتده اولدینی یک اپی بیللیوردی .

بونک ایچون طورمایوب آیت اوسته آیت ایندیریوردی ، حرص ایله معلول روحلرینی یوله کتیرمک مقصدیله اهل توحیده وصایاده بولونیوردی؛ اللرنده کی مالک الکیمتیلری اوزرنده فقرانک، ییچارکانک ، طوللرک، اوکسوزلرک ، بابالرک، خیسیملرک . . . اوت هپسک معین برحق اولدینی خاطرلرینه کتیریوردی ؛ الله رزاقدر، ارباب ثروتک نهسی وارسه ارباب استحقاقه نقصانسر اوله رق توزیع ایدلک اوزره کنیدیلرینه خزان السیه دن مودوع امانانندن باشقه برشی دکلدرد، دییوردی. قرآن کریمده بوکا دائر نه قادات آیات جلیله وار ! بز یالکز شونلری اقتباس ایدم چکیز :

« وما انفقم من شیئی فهو یخلفه وهو خیر الرازقین - سورہ سبأ » [۱]

« اطعام عشرة مسا کین من اوسط ما تطعمون اهلیکم - سورہ

مائده » [۲]

[۱] « هانکی شئی اتقاق ایدرسه کیز برینه الله باشقه سنی ویرر ، او

رازقلرک اک خیرلیدر . »

[۲] « چولوغکزه ، چوجوغکزه پدیردیککوزک اورتی درجه سندی

اون ییچاره نك اطعامی ... »

« دخلت امرأة النار في هرة ربطتها فلم تطعمها ولم تدعها تأكل من خشاش الارض - حدیث » [۱]

« لا یدخل الجنة طامع رحم - حدیث » - اقرباسندن ایسلکی کسن جتنه کیرمهز ،

« بینما رجل یمشی بطریق اشتد علیه الیطن فوجد بئراً فنزل فیها فشرب ثم خرج فاذا کلب یلهث یا کل الثری من العطش فقال الرجل لقد بلغ هذا الکلب من العطش مثل الذی کان یبلغ فی نزل البئر فلاحقه ثم امسک به فشق الکلب فشکر الله ففقر له . قالوا یا رسول الله وان لنا فی البهائم اجراً فقال فی کل ذی کبد رطبة اجر - حدیث » [۲]

« الساهی علی الارملة والمسکین کالجاهد فی سبیل الله - حدیث » [۳]
« او اطعام فی یوم ذی مسغبة یتمها ذا مقربة اومسکیناً ذامترتبه ثم کان من لذین آمنوا وتواصوا بالصبر وتواصوا بالرحمة - سورہ بلد » [۴]

عطائک انراعی . - اسلامی ادیان سائرہ دن آیران جهتلردن بری ده فقرا وییچارکار حقتده کی معاوتی مختلف نوعلره آیرماسیدر . بونلرک برقسیمی واجبدرکه ترکی حرامدر ؛ برقسیمی ترغیبات شرعیه دندرکه فاعلی مأجور اولور ؛ برقسیمی ده عقوباندرکه شریعتک تعین ایتدیکي احوالده مسلمین اوزرینه اداسی فرضدر .

بواقسامه داخل بولونانلرک اک باشلوجهلری شونلردر : [۵]

صندوق فطر : رساله مزک ایکنجی قسمنده تفصیل ایدلدیکي وجهله رمضانک آخرنده اداسی مسلمانلره فرضدر .

زکات : رساله مزک ایکنجی قسمنده تفصیل ایدلدی .

قربانه : عیداضحاده استعطاءقی بولونان هر مسلم حر اوزرینه - ولو یتیم اولسون - واجدر .

[۱] « کده یوزندن بر قادین جهنمه کیردی . حیوانی باغلامش ، قارنی دو بورمامش ، یرده یی بوجکاری یمیده صالیورمه مشدی . »

[۲] « آدابجوزک بری یوله کیدرکن فنا حالده صوصامش ؛ بر قویون بولمش ، ایچنه اینه رک ایچمش ، صوکره چیقنجه باقش که برکویک، صوسزلقندن دیلی چیقمش ، طوبراق بالایور . آدام کندی کندی صوسزلق ناصیل بنم جامع یتدیه بونکده اوله جانته یمش دیهرک تکرار قویوه ایش ، پابوجنی صو ایله طولدوروب آغزیه طوته رق چیقمش ، کویکی صولامش ، الله شکر ایش . بونک اوزرینه کنه لری باغیشلامش . یا رسول الله ، حیوانلر ایچونده بزه اجر وادی ؟ دیدیلر . هر جکری باش مخلوقک [ذی حیاتک] یوزندن اجر وار، بویوردیلر . »

[۳] « طولر ، ییچارلر ایچون چالیشان الله بولنده مجاهد کیدر . »

[۴] « یاخود آجلیق کوننده اقربادن بر یتیمی ، یاخود یرده سوزونن بر ییچاره یی طویورمق وایمان ایدوبده بری برینه صبرایله ، مرحمتله توصیه ده بولونانلردن اولقی ... ایشته صالح طرفه کچه جاک اولانلر بوللری یالانلردر . »

[۵] قرآن کریم ایله کتب فقهیه ده مصرح اولدینی وجهله بوجزالردن بر طاقیبی اوروج طومتی ، یاخود کوله آزاد ایتک کی صورتلره ده اوده مک قابلدرد ، مسلم بوخصوصده بخیردر .

اوت ، حكومات اسلاميه نك بوتون مسلمانلردن استيفا ايتديكي
مردلر زكات ، صوكره بر و احسان اربانك دورلو دورلو و قفلرله
ارباب ثروت طرفندن الله رضاسي ايجون هر كون بذل اولنان صدقهلر
عاطقلر بر حاليده ايدى كه ايلك عصر لرده كن مسلمانلر بو طرزده جمعيلر
وجوده كتيهر مكدن و بيك ناز ايله ويره چكلى بر قاچ پاره يي صيذريره
جغزديه ارباب يسارك اللربى صيقوب طور مقدن مستغنى بولونيورلردى .
داها طوعريسي عالم اسلامك هيئت مجموعه يي اويله معظم بر جمعيت
خيريه حالده ايدى كه ، ديار توحيدك هر طرفنده كي يوزلرجه ميلون
خلقك اوزرينه قابادلرني كرن بو كتله نك قلوبى حقلك سايه نعمته
برلشمش و اسلام فيضى يوزندن مرحمت و شفقت حسـلـرـيله مـفـطـور
اولمشدى . حاصلى ، فاطر حكيمك ديله ديكي كي يـكـپـاره بـرـوـجـود ايدى ؛
برعضوه اصابت ايدن آفت بوتون اعضاى بدنده حرارتلر ، اضطرابلر
توليد ايدىيوردى .

تعدد زوجات مؤسسه اجتماعي

۲

تعدد زوجات حقنده كي اعتراضاته جواب - تعدد زوجاتك فردى ، اجتماعي
فوائد و محسناتى : بواصول فحشايتك تزايدينه مانعدر ، نفوس عمومى يي تزبيده ،
قادينلى حياتك اعتلاسنه ، قادينلر دوام صحتنه ، بقاى لطافت و ظرافته
خادمدر .

۵ - تعدد زوجات اصولي ممكن الرعايه اولان مساواته اصلا
منافى دكلدر . ممكن الرعايه اولمايان خصوصياتده ايسه مساوات جهتي
ذاتاً تحري اولونا ماز . بناءً عليه براراك متعدد قادينلر ايله ازدواج
ايدم بيلديكي حالده بر قادينك متعدد ار ككلر ايله ازدواج ايدم مەسى
وسيله اعتراض اولاما . طالده بويله بر ادعا قدر بطلافي ظاهر برشي
بو قدر . بويله بر ادعا ار ككلر ايله قادينلر بيننده خلقه موجود اولان
فرق عظيمي بيلمە مكدن ايلري كلير ؛ قادينلر ك خصوصيت حاله ،
شؤن حياتيه سنه ، قابليت فطريه سنه عدم وقوفدن نشئت ايدر ؛ نكاحك
مشروعيتده كي فلسفه عاليه يي عدم محافظه دن منبعث بولونور .

ارباب اختصاص طرفندن مفضلاً بيان اولونديني اوزره ار ككلر
ايله قادينلر آره سنده خلقه بك بيوك فرق واردر . از جمله وسطى
اولارق ار ككلر ك ثقلت بدنيه و دماغيه سي قادينلر ك كندن دها زياده در .
ار ككلر ك جمله عصيه لري دخی قادينلر ك كنه نسبتله دها مكلدر .
ار ككلر شيداند حياتيه به دها زياده متحمل اولدقلى حالده قادينلر
ار ككلره نظراً دها زياده عوارض و امراضه مستعددرلر .

هله قادينلر ك بر جوق زمانلري حبض ايله ، نفاس ايله ، بار ثقل
حمل ايله مرور ايدر ؛ بر جوق كونلري آغوش شفقتلرني تزئين ايدن

« انفقوا مما رزقناكم - سورة بقره ، ۱ »
« انفقوا من طبيات ما كدبتم ولا تيموا الخيـث منه تنفقون - سورة
بقره ، ۲ »
« و انفقوا مما جعلكم مستخلفين فيه فالذين آمنوا منكم و انفقوا لهم
اجر كبير . - سورة حديد ، ۳ »
« و انفقوا خيراً لانفسكم و من يوق شح نفسه فأولئك هم المفلحون -
سورة تغابن ، ۴ »

سنت كتابلرينه مراجعت اولونورسه بوموضوعه دائر نامتناهي احاديث
نبويه كورولور . صوكره ، آيتلر ك ، حديثلر ك جملاسي شونك اوزرنده
برلشيور : الله ذوالجلال انفاق ايدن قوللري ايجندن آنجاقي او كيمسه لري
حريم رحمته قبول ايدىيور كه ويرلر كن اخلاص ايله ، كوكل خوشلغيله
ويريورلر ، آرقه سندن اذابه ، منته قالقشمايورلر . « و من الاصراب من
يؤمن بالله و اليوم الآخر و يتخذ ما ينفق قربات عند الله و صلوات الرسول
الانما اقربته لهم سيد جلهم الله في رحمة ان الله غفور رحيم - سورة توبه ، ۵ »
ايشته بومالى فرائضى ، يا خود مالى ترغياني سايه سنده در كه اسلام
فقراي ، بيجاركاني ، يتيملري ، طوللري ، يولده قالمشلى ارباب ثروتك
مالندن اهميتلى بر صورته حصه دار ايدىيور . بوني كافى كورمىوب
ياللرندن بر قسمي وصيث ايجون زنكينلره توصيه ده بولونديني كي هر كسك
وصيتدن اولان حصه سي كنديسنه ويرملرني تركه تقسيمنده حاضر
بولونان اقربايه اخطار ايدىيور .

خلاصه ، اسلامك برواحسان فضلى طبقات بشر آره سنده وجودي
قانون خلقت ايجابندن اولان تفادت ثروتك كوروكله ديكي كين و احتراض
آتشلرندن سينه لري قورتارمق ايجوندي ، باشقه برشي دكلدي .
مسلمانلق هنوز كنجلك چاغنده ايكن مسلمانلر اوني بيليور و تعاليم
سماويسنه توفيق حركت ايدىيوردي . زمانزده ظهور ايدن جمعيات
خيريه نك شوراده بوراده وجوده كتيهر دكلري غربا خسته خانه ليله
او كسوزلري ، سوقا قده بولونمش چو جقلري بارينديره جق مؤسسـه لـره
احتياجلري يوقدي .

۱ « سزى مرزوق ايتديكمز لستلردن اتفاق ايدك »
۲ « قازانديكمزك كوزلرندن اتفاق ايدك ، يوقسه كوتولرني ويرمك
قصندنه بولونمايك »
۳ « اللهك سزلى و كيل ايدوب اوزرنده تصرف ايتديردى ماللري كزدن
اتفاقده بولونيك ، شبهه يوقدر كه ايجكزدن ايمان و اتفاق ايدنلر ايجون بيوك
اجر وار . »
۴ « اتفاق ايدك كه حقكزده خيرى اولسون ، كيم نفسك حرصندن
آزاده قالرسه ايشته فلاح بوله جق اولدر . »
۵ « صوكره عزبان ايجنده اويله لري وار كه الله و آخرت كونه اينانير
و اتفاق ايتديكي شيلري الله تقرب و رسول اللهك دطاسنه مظهريت ايجون وسيله
بيلير ، شبهه سز اوضدقهلر كنديلري ايجون وسيله تقربدر ، الله اوللري رحمتنه
ادخال ايدم چكدر ، الله غفور در ، رحيم در . »